



kal komp.

17806

I

Mag. St. Dr.

P


*Schedel Nicolai Alex. Gustus Iovis
seu Encomium M. Joanni Gostu-
miowski — adaptatum.
Cracoviae. 1465*

PANEG. et VITAE

Polon. 4.

N. 279.

Biblioteka Jagiellońska



stdr0004929

E

M

P

Nic

G V S T V S I O V I S

S E V

ENCOMIVM

Excellentissimo, ac Doctissimo Viro, Domino,

M. I O A N N I

G O S T V M I O W S K I,

Philosophiæ Doctori, & Professori,

In Alma Vniuersitate Cracouiensi,

Contubernij Gelanij SENIORI

Pro tunc

Ad Minus Collegium Vocato

C O L L E G Æ

Ipso die Disputationis.

⁂

NICOLAO ALEX: SCHEDEL, Cursus Philosophici Audit.
Amoris, & Obseruantia ergo

ADAPTATVM.

Anno Domini 1665. Mense Septembri.



34. IV. 101.

S T E M M A
Almæ Vniuersitatis CRACOVIENSIS,



*En Diadema Tui ; quod Regnum nobile, honoris
Obtulit : ac meritos hoc decorare solet ;*



PRÆCONIVM GRATVLATORIVM.



Oui honoris, & dignitatis
faustissimam accessionem, quan-
to possum TIBI gratulor affectu
Excellentissime Domine Professor. &
licet tenues ingenij, & genij, tūm de-
biles facundiæ sint vires: magis
tamen officiosum esse duxi, vel balbutiendo debitam
erga TE mei animi declarare obseruantiam; quā
de verborum; sententiarumq; inopiā contristando,
obmutescere. Dum enim spectauī copiosum nume-
rum gratulantium TIBI, erubui sanè, prænoscing me
prius (qui omni tuā sum deuinctus beneuolentiā)
debitum virtuti, ac meritis stipendium persolutum
debere gratulari. Recipio itaq; animum ad depræ-
dicanda Dignitatis TVE præconia, quā in extollenda
suspicio sufficere posse propensionem meam. Ten-
tabo

tabonihilo minùs, cùm fim eâ concitatus lætitiâ, quæ
nullatenus me dissimulare, nec Harpocraticum ob-
seruare silentium, permittit. Et cùm optimè sciâ,
ex difficilibus, diuturnisq; laboribus, tandem maxi-
mam prouenire laudem, perpetuamq; resiliere memo-
riam, non dubitavi & ego ea hîc recensere, quæ in te
sunt iam perfectâ, omnique numero absolutissima:
quandoquidem ad eum deuenisti virtutis fastigium,
vt iusto, & digno præmio afficiaris.

Tantum enim T V A apud omnes inclaruit virtus,
eâq; tantum promeritus es: vt non sit qui recuset, pri-
ma: i porrigere gloriæ coronam; siquidem tanta T I B I
est animi modestia, quantam in nullo reperire par est,
quæ altiorum T E quasi fugacem reddens, ipse vt per-
sequatur honor effecit: in quo expletur illud veri-
tati consonum Senecæ effatum.

Laus vera humili, sæpè contingit viro.

Et non immeritò, cùm vbiuis virtus suum expostu-
let præmium, solatium labor, quem T v. *Excellentis-
sime Domine*, summâ cum alacritate, informando ani-
mos studentium sustinuisti; tum & hodiè non minùs,
cum quadam dexteritate, & promptitudine, labo-
riosam Professionis Astrologicæ spartam exornasti.

Per-

quæ Perspecta sanè unicuiq; tua sedulitas, nota luculen-
ter perspicacia in prænunciadis euentibus, quam uni-
uersum admiratur vulgus, dum ex vi Cælestium fide-
rum, ac signorum, quorum mirabiles effectus in hoc
sublunari conspiciuntur mundo, Tv expressissimè, di-
cam Opticè, nam iudiciosè collegisti, & vniuerso Or-
bi Cæli mysteria aperuisti. Spectauimus annis su-
perioribus concursus malignorum Planetarum, Sa-
turni, & Martis, in signis aduersis existentium, con-
speximus non sine graui formidine Martis cum Mer-
curio radios, admirati sumus Veneris cum Mercu-
rio coniunctionem, & ex tali Stellarum constitutio-
ne, euidentissima mutationis deduximus argumen-
ta. Quid enim portendebant illæ tempestatum varie-
tates? quotannis fluuij vndis intumescences? fre-
quentissimæ aquarum eruptiones? pestilentix vrbes
& oppida vastantes? insignis annonæ penuria? bel-
la tam externa, quàm interna, quid quæso indicabant?
an non dominia Planetarum, & vires astrorum oc-
cultas, à quibus tanquam causis, sicut dissimilitudo
regionum, ita ingeniorum, & morum varietas pro-
uenit. Monstrâsti satis Orbi Sarmatico erudi-
tæ mentis tuæ specimina, quando ex abditis Ma-
theseos penetralibus deprompsisti documenta, &
admi-

admirandos effectus in Opusculis Astrologicis declarasti. Promeruit infracta virtus Tva amplissima Virorum literatorum elogia, & eò maiora sumet honorum incrementa, quò grauiora in puluere Mathematico munera sustinebit. Liceat mihi per vires incultæ meæ eloquentiæ. Te appellare Palmam, sicut illa luxuriat ramis, & folijs, & quò magis vrgetur ponderibus, eò pullulat vberius, & asurgit altius: ita generosus genius Tvvs, literis humanioribus benè excultus quamuis deprimatur onerosis laboribus: euadit tamen viuacior, & feliciora sumit augmenta. Porrexisti tibi facem ad ardua quæq; attentanda, magni nominis Consanguineus Tvvs, & ad Musarum, Gratiarumq; allexisti sacra, piæ memoriæ Clarissimus, & Excellentissimus LAURENTIUS SMIESZKOWICZ, Philosophiæ, & Medicinæ Doctor, & Professor, Dignissimus Studij Vniuersitatis Cracouiensis PRO-CANCELLARIVS, atq; Generalis RECTOR Vigilantissimus. Non ego hîc recensebo vniuersa istius ornamenta; deprædicant eum Athenæ Patauinae, dum sub principe Medicorum Syluatico prensabat lauream Doctoralem, deprædicat Urbium Regina ROMANA dum VRBANO VIII. Pontifici Maximo ob suam Poësim gratissimus erat: gloriatur Sarmatia; ac dum

de
ma
ho
he
in
cut
on
ita
enè
e
ta
na
m
si
ic
Di
o
an
or
um
au
o
su
ia
um
dum Serenissimo, ac Inuictissimo VLADISLAO
IV. REGI Poloniae ob eruditionem verè amabi-
lis extiterat. Frater verò Tuus germanus GREGO-
RIVS CASIMIRVS, in Collegio VLADISLAVIANO
olim Nouoduorfcianus Professor, magnum tibi præ-
buit incitamentum, vt bonis inuigilares studijs, &
tritam Virorum eruditorum non desereres orbitam.

Elucescit in te, *Excellentissime Domine*, rediuiua Ma-
iorum Tuorum virtus, dum iisdem insistis passibus,
quibus ij, ad altiora honoris culmina peruenerunt.
Adest Tibi indefessum in Mathematicis disciplinis
studium, adsunt acres ingenij motus ad arcana Phi-
losophiae perscrutanda perquam habiles, & expedi-
ti, viget firma, & tenax memoria, suada in ore diserto
regnat, & quod summum est, assiduus Tibi adstipu-
latur labor, qui gloriae tuae nunquam interiturae
verus artifex permanebit. Testis est euidentissima
eruditionis Tuae praesens Quaestio Optica, de modo
illuminationis Lunae, luci exhibita publicae, quae in-
dicat Te insignes instituisse progressus in Mathema-
tico studio. Ardua haec Quaestio & perplexa, lu-
men ab ingenio Tuo delibat, nimirum, facilitatem,
suauitatem, & veram cognitionem. Virtutisque tuae
ac laboribus Herculeis amplissimum praemium & ho-
nores

nones pollicetur. Sed ne in longum progrediar, terminos Syncharmati gratulatorio præfigo ; pate enim amplissimus campus quem decurret mea agrestis Musa, interea *Excellentissima Dominationi* Vestræ sublimem honorem, in Alma Vniuersitate obtentum, ex animi sententiâ gratulor, & apprecor, illud Venusini Vatis ingeminando Acroama.

*¶ bone, quo virtus Tua Te vocat, i pede fausto
Grandia laturus meritorium præmia.*

Meum verò propensum animum, singulari complectere beneuolentiâ, vota de intimo promanantia corde, hilari vultu, & fronte exporrectâ intuere, laudis encomia intra angustias temporis concinnata, eaque obscura illumina ; & quod Poëtico animatum est spiritu Anagramma, ingenio Tuo tanquam aurâ vitali recrea. Hæc sunt beneuoli mei affectûs argumenta, Tibi, & Tuæ virtuti exhibita : hæc propensionis symbola, & vectigalis obseruantix indubitata monumenta.

Ad Cognomen *Excellentissimi Domini*, concinnatum Anagramma

G O S T V M I O V I V S,

id est

G V S T V S I O V I S

Nectar & ambrosiam dederat Tibi docta Matthesis,

Tu G V S T V S I O V I S es ; Volue Anagramma meum.



re-
tra-
ma-
7e

m-
tia
au-
ta,
im
urâ
gu-
o-
ata

a

m.

